

Benteng cegah banjir siap Januari ini

KUALA LUMPUR – Sebanyak 112 buah keluarga di Jalan Antoi Kanan 2, Taman Kepong Baru, Kepong di sini boleh menarik nafas lega apabila sebuah benteng bagi mengatasi masalah banjir di kawasan itu dijangka siap Januari ini.

Benteng setinggi 2.2 meter dengan lebar dua meter serta panjang 800 meter itu dibina di sepanjang Sungai Keroh di sini.

Menurut Ketua Pusat Khidmat Komuniti Kawasan Kepong, Yee Poh Ping,

benteng itu dibina menerusi peruntukan Jabatan Pengairan dan Saliran (JPS) berjumlah RM261,000.

“Selama ini, penduduk hidup dalam kebimbangan setiap kali menjelang musim hujan disebabkan masalah banjir yang melanda kawasan perumahan ini.

“Dengan adanya benteng yang dibina di sepanjang Jalan Antoi sehingga ke Jalan Api-Api, kami berharap ma-



PENDUDUK Taman Kepong Baru membuat bantahan terhadap JPS di Kepong, Kuala Lumpur baru-baru ini.

Penduduk dilanda banjir tuntutan pampasan

KEPONG – Lebih 50 penduduk perumahan Taman Kepong Baru, Jalan Antoi di sini menuntut Jabatan

KERATAN Kosmo! 14 Mei 2012.



POH PING (kiri) dan beberapa penduduk menunjukkan benteng yang dibina bagi mengatasi banjir di Taman Kepong Baru, Kuala Lumpur baru-baru ini.

salah banjir ini dapat diatasi sepenuhnya dan tidak akan berulang lagi,” katanya pada sidang akhbar di sini semalam.

Kosmo! sebelum ini melaporkan penduduk di kawasan perumahan Jalan Antoi Kanan 2 terpaksa menanggung kerugian antara RM1,000 hingga RM20,000 akibat banjir yang melanda

kawasan perumahan itu pada 18 April lalu.

Penduduk mendakwa tindakan JPS membina tebing tanah bagi menjalankan kerja-kerja mendalamkan kolam Sri Segambut menyebabkan kolam tebatan banjir tidak dapat berfungsi sehingga mengakibatkan banjir kilat di kawasan itu.